

BOSNA I HERCEGOVINA
FEDERACIJA BIH
ZENIČKO – DOBOJSKI KANTON
GRAD ZENICA
Služba za urbanizam

Broj: 03/19-11228/21
 Zenica, 11.06.2021. godine

Stručna služba Gradskog vijeća

PREDMET: Stav na zahtjev za davanje saglasnosti za dodjelu koncesije – dostavlja se

Vašim dopisom broj: 12-45-11228/21 od 10.06.2021. godine tražili ste naš stav na podneseni zahtjev za davanje saglasnosti Gradskog vijeća za dodjelu koncesije za istraživanje i eksploataciju mineralne sirovine uglja na području grada Zenica.

Naš stav po podnesenoj inicijativi je:

Prostornim planom Grada Zenica za period 2016-2036. godina, koji je usvojen na 17. sjednici Gradskog vijeća održanoj 28.12.2017. godine („Službene novine Grada Zenica“, broj: 1a/18), područja na kojima se nalaze eksploataciona polja ZD RMU "Zenica", nalaze se u granicama zone zabranjene gradnje objekata.

Članom 41. Odluke o provođenju Prostornog plana definisano je:

"Prema Rješenjima o odobrenju eksploatacije mrkog uglja u granicama odobrenih eksploatacionih polja, izdatim od Federalnog ministarstva energije, rudarstva i industrije urađen je grafički prikaz svih eksploatacionih polja mineralne sirovine – mrkog uglja na području Grada, koji je sastavni dio Prostornog plana i ove odluke.

U granicama odobrenih eksploatacionih polja, u nadležnosti rudarskog preduzeća ZD RMU „Zenica“ d.o.o. Zenica, utvrđuju se pojedinačne i ukupna površina eksploatacionih polja:

Vrsta mineralne sirovine	Naziv polja (lokacija)	Površina (ha) Obrada u GIS-u
ugalj	Stara jama-Side	1.743,02
ugalj	Stranjani	770,92
ugalj	Raspotočje-Drivuša	2.232,04
ugalj	Mošćanica	1.817,99
	Ukupno	6.563,97

U skladu sa Zakonom o rudarstvu Federacije BiH, za svaku gradnju u granicama odobrenih eksploatacionih polja mora se prethodno pribaviti mišljenje nadležnog rudarskog preduzeća.

Na grafičkim prilogima Prostornog plana označena su područja eksploatacionih polja unutar kojih je neophodno u postupku odobravanja građenja prethodno pribaviti mišljenje ZD RMU „Zenica“ d.o.o. Zenica.

U vezi sa prethodnim stavom, a zbog činjenice da se stanje i potrebe za eksploatacijom uglja razlikuje u odnosu na područje u granicama odobrenih eksploatacionih polja, neophodno je u narednom periodu preduzeti aktivnosti na pokretanju izmjene Rješenja o odobrenim eksploatacionim poljima, kako bi se određena područja, a naročito područja u granici Urbanističkog plana Grada Zenica i užeg urbaniziranog područja gradskog centra, na osnovu relevantnih podataka na terenu, izuzela iz eksploatacionih polja i na taj način pojednostavila procedura odobravanja građenja na područjima gdje je to moguće unutar trenutno odobrenih eksploatacionih polja.”

Zatvaranje jame “Stranjani” je završeno u prvom kvartalu 2020. godine. U toku su aktivnosti na pribavljanju Rješenja o trajnom zatvaranju jame “Stranjani” od nadležnog ministarstva VFBiH. Iz navedenog razloga ovom Studijom nije obuhvaćena potreba za dodjelom koncesije za eksploataciono polje “Stranjani”.

Zbog gotovo potpune devastacije tadašnje opreme i mehanizacije u vrijeme posljednjeg rata, kao i u postratno vrijeme, te problema u plasmanu uglja nešto lošijih kvalitativnih svojstava i znatnog smanjenja graničnog ekonomskog koeficijenta otkrivke, od 1999. godine se ne vrši kontinuirana eksploatacija uglja na PK “Mošćanica”, te iz tog razloga ovom Studijom nije obuhvaćena potreba za dodjelom koncesije za eksploataciono polje “Mošćanica”.

U Prostornom plan Grada Zenica za planski period 2016-2036. godine ukupna površina eksploatacionog polja “Stara jama-Side” u okvirima istih koordinatnih tačaka prema programu GIS iznosi 1.743,02 ha, sa napomenom da je utvrđena površina računata pravolinijskim spajanjem koordinatnih tačaka ne uzimajući u obzir da granice eksploatacionih polja prate i prirodne granice riječnih tokova, zbog čega je došlo do znatnog odstupanja od površine eksploatacionog polja navedene u Rješenju FMERI (navedena činjenica utvrđena na sastanku predstavnika RMU Zenica.d.o.o. Zenica sa predstavnicima Kantonalnog zavoda za urbanizam i prostorno uređenje koji su nosioci izrade Prostornog plana Grada Zenica).

Služba mjerništva RMU Zenica d.o.o. Zenica je putem programa AUTOCAD, koji je kompatibilan sa programom GIS, utvrdila da ukupna površina eksploatacionog polja „Stara jama-Side“ u okvirima koordinatnih tačaka odnosno ucrtanih granica eksploatacionog polja iznosi 1355 ha.

Obzirom na navedene činjenice predlaže se da površina eksploatacionog polja „Stara jama-Side“ koja će biti osnova za izračun koncesione naknade bude površina koju je utvrdila Služba mjerništva RMU Zenica d.o.o. Zenica i koja iznosi 1355 ha, dok površina eksploatacionog polja „Raspotočje-Drivuša“ iznosi 2225 ha.

Ovakve korigovane površine biće uvrštene u Urbanistički plan Grada Zenica za period 2020-2040. godine, koji je u fazi izrade.

S poštovanjem,

DOSTAVLJENO:

1 x Naslovu

1 x U spis



POMOĆNICA GRADONAČELNIKA

mr. sci Bojana Primorac